

# Ўвләр хөд хургъллгън

Черноземельск района „Черноземельский“ совхозд ўвләр хөд хургълуллгън бұрдәмдж-тәгъәр кегддж йовна.

Совхозин хөбчирт урласнь зоотехническ пәәлгъвр өггдв, тегәд 120 хөн багтдж ордг 17 дулан катгуд бел кедж, хөбдт өггдх хотинь эртәснь белдв. Ўвлин хургъллгъ бұрдәджәх цуг кошармуд сәәнәр дулалгдсн деерән, теднд герл орулгдв. Одгә цагт 6 отарт хургъллгън эклчкв.

Ут-турштан 1501 хөн хургълснаснь 2024 хургъд, эс гидж 100 хөөнәс—135 хургъд авгдджана. Хөд сән чинәтә деерән, хургъднь гару уга.

Хөөнә хургъллгън эклхәс урд-комсомольцнрас болн багъчудас сакманщикуд диглгддж авгдв. Ода эдн эврәннь кеджәх көдлмштән оныган өгч, хәләджәх хургъдан сәәнәр асрджана.

Эн совхозин ах хөбч Елистенкон бригадт хургъллгъна гүргү болджана. Энүнд 245 хөн хургълснас 356 хургъд авгдв, талданар келхд 100 нәәднр хөөнәс 145 хургъд ода деерән авчана.

Кеджәх көдлмштән күцлтә ұр Елистенко нөкдмүлтәгъән, цааранднь хургълх хөбдән нег чигн гару угагъар хадгълхд шундж көдлджәцхәнә.

Цуг хургълсн хөбдин чинән йир сән. Хөбдән сән өвсәр, теермдсн ичмәгъәр, бұудәгъәр, минеральн кұмсәр асрджана.

Совхозин хөбчир болн цергләчнр хөд-хургъдан гару угагъар, сән чинәтәгъәр ўвләс авч гархар күчн-чидлән нөл уга шундж көдлджәцхәнә.

Д. СЕРГЕЕВ.

Селәнә эдл-ахун управленә зоотехник.